

守柔齋行河草

守柔齋行河集序

嶺南詩派啓自由曲江唐宋以來代
有作者 國初如程潼溱梁葯亭
陳元孝屋翁山与王朱施宋駱壇
掉鞅旂鼓相當嗣是復有馮魚山
宋長濟張葯房黎二樵諸家皆能
力溯荆榛獨開生面嶺海間風雅

雍容詩之教可謂盛矣然諸君子
或栖遲偃仰或出處坎坷有釋褐
而仕名位不逮焉顯從未有政事又
章赫然在人耳目如我

年伯蘇公者公由翰苑后諫垣直聲
震天下而不自以詩鳴既以憂去官
鄉居十餘年乃始刊其詩然其鄉

人望公如泰山北斗不徒以詩稱

之也

今天子御極以內外大臣交章薦薦
特命分巡河南三四年間由豫藩
擢督東河

朝廷之嚮用方殷公之政事益懋
而隱抱忠愛攬今帛古閩懷民瘼

多見於風夜芳後時每一篇出人
皆爭相傳誦什秘藏之公天資既
高學問宏富往來南北閱歷亦甚
久故其意象高遠託興幽深其波
瀾壮阔似少陵刻刻深摯近昌黎吐
屬雋妙類東坡實則自撰堂奧絕無
依附以行河名集蓋詩家創獲也

考今海內清平太和翔洽正士大夫
相與和聲鳴盛之秋公久契

主知允孚民望雖執禮引退猶可
提振英才宣揚風雅當與曲江公後
先媲美豈止度越程梁諸人已哉
同治十有二年歲在癸酉冬月

年愚姪何廷謙謹序

守柔齋行河草

高要蘇廷魁德輔著

子姪

元瑞
元暉
全校

丁卯歲朝作

昨日猶今日增年是減年承天不知老惟嶽想依然自攝
行隄使應無佚我緣况兼畿輔重力薄豈能肩時奉廷
道隸河

初七日寄家書聞去歲告歉

人日憶家人中州四度春不求娛我老所憾濟時屯薄俗
財爲命清門富以鄰天心年穀共施與始周親

夢中遇僧與所遲客

蓮池風月記前蹤車笠塵遊忽漫逢語不欺人愛吾鼎心

非佞佛省晨鐘薄撩詩興梁園雪遙聽軍情楚塞烽堪笑
靈臺留色相龍華會侶費談龍

山東閻中丞在假通問寄懷一首

風雲氣壯體何羸握手東平慰所思河海慮深非我獨在
舟長憶仲宣詩

許州葉牧葺完桃花潭館屬製楹帖係情陳迹比樹
思維書答葉牧

坡穎湖亭夢溯洄賓鴻主燕記誰來春風春雨三年別前
度桃花幾樹開

北行閱河簡子衡

凍解東風蟄起雷唐花開罷樹花開乾坤中處無端感晨

夕相關有數才春夢醒遲鶯乍喚官程期迫馬頻催馳驅
不憚疲筋力游詠輪君得吹臺

初十日渡河

日澹長河色風狂二月天不嫌篷底坐却憫水中牽轉岸
看漁舍來帆數貨船上南桃汎泛清息錦灘傳

陳橋雜詠

梵宇荒涼草沒階老僧能說先厨齋梁門那辨西園樹只
記陳橋繫馬槐

封邱故河

杞柳新青杏始花春風吹到野人家僕夫前指牛難路舊
日河身十里沙

滑署懷歐陽文忠公

畫舫名齋意境空，得時須有濟川功。
冰堂春汎誰方潔，欲賦新詩起醉翁。

贈大名守楊毓柟

官人店十八郎連
清河頭險工迭出

河勢將趨北澶淵，故道存告猷。
迂賈讓舍命急，王尊近距桃花汎。
來過柳下屯，澹災心未已。
西望屹龍門。

過馬陵崔劉兩總戎來見

楊柳春旗夾道分，望塵迎止馬陵軍。
龐涓若作憐才想，可與孫卿共策勳。

駐南家海寨

油油原麥汎風光，人畜喧聲出破牆。
候吏謝稱行館窄，漢

州城陷水中央

范城南孟子自范之齊碑

名世生來氣浩然轍環遺迹後人傳
廣居何與齊王子良
貴分明在眼前

老少安懷聖體仁相逢相值自相親
水精比玉光於玉想
得伊川見道真

謁仲子祠

二月十七日

負米當年感里閭行隄猶見古風餘

范縣志隄爲子路負米處

轍環人

老欣浮海思孝天生薄讀書暴虎聞規心已化
獲麟興歎
世何如黃流經處英靈在不敢祠前走使車

漢汲黯宋張詠李迪皆漢人書詢葛牧

濮州志蕩失矣

道宗黃老友神仙軒冕辭榮善自全直性不阿名不朽邦人何處祀三賢

再宿開州贈葉牧增慶

辛巳同年道州名宦葉桂之孫

道州循政本通經喜見文孫有典型四十七年鄉試錄停雲吟罷數晨星

宿長垣西院海棠盛開卯飲賞之

豪華未到牡丹時標映晨霞豔出奇解道一株春一國遺山能補少陵詩

途中遣興

瓠口風初息蒲城日半斜村童迎燕子官路指棠花被水無完戶逋租有故家肩輿河上役勝似泛秋槎

直東還役好雨初晴小飲微醉姚志堂送花適至

往來南北送迎頻三世交深見性真似慰輅車無暇日頓
教斗室有餘春園林過雨詩心活杖履看花鏡影新及此
歡娛非少壯樂天長惜賦中人

白集秦中吟一叢深
色花十戶中人賦

懷徐仲升制軍兼呈伯華先生

松柏心交老不違越華池館夢依稀聲馳丹傲名猶在權
懾烏孫事已非綸綍持平三命錫雲霄飛倦一時歸太
和營寨鍾和氣弟勸兄酬幸息機

陰雨

陰雨春無色憐春亦有涯儘榮高岼草莫損小園花

早起紀夢

三月二十三日

暮旌縹緲玉京朝中嶽香煙達紫霄我欲乘風揚袂上遊
河五老大聲招

春聲

黃雀啁啾白燕歌春風吹到自然和窗間把玩花間集總
比蘇辛韻致多

李竹朋同年罷守汀州不見廿餘年矣寄近著古泉
滙詩集數種致書請籌利津防河工費河道改由
牡蠣口入海也

久憶金閨彥天懷老更清古泉收法物新詠得中聲青綬
歸何速黃流患未平鐵門關外望飢溺若爲情

葉硯農爲重裝李營邱採芝圖王丹麓司馬題籤

千年神彩列仙臞跨宋陵唐第一圖莫怪同時孫四皓甘
將厚利啖當塗

塵外幽蹤託素心豪門空羨墨如金王樞密後無人識黃
鶴飛來爲賞音

香山僧月舟因王浙川遠致竹箭流安圖仿柯敬仲
筆意蒼秀入古而渺無涯際觸余勇退之懷寄酬

二絕

枯株叢篠映黃流千里迴瀾尺幅收春渚昔傳坡老格今
看奇趣出丹邱

龍門攬勝歷香巖漲墨浮烟盡意芟坐想中流添一葉秋
風招手挂歸帆

再寄月舟戲效白傅體

中原戎馬十餘年，俊物誰當祖逸鞭。一往塵勞因有我，羣生運厄可無賢。難憑辨舌誇長劍，欲借慈航濟巨川。龍性能馴河順軌，應將梵呪水官傳。

河朔書院晤范光少

承典

見示倭相疏稿述感二首

畏虎忍其暴，傷麟指爲怪。氣類一相違，千變生色界。湛湛伊洛水，出與天元會。不以濯彝鼎，而以澆營蒯。上善利物多，末流供幾噉。

初夜望三台，居高靜而正。森然眾星列，皎皎月儼修。敬天關，櫛無禁妖芒。別取映不掩，雲漢章。車柄災祥兆，難測義和在。齊政麥秋旱，方甚橫。傅說用爲霖，庶

民占有慶

入輝縣尋衛源夾路竹林欣然成詠

自我居大梁三年不見竹適來共城野愛此森森玉分流
衛泉水宛帶瀟湘綠山陽七賢遊何處停芳躅古今一俯
仰鳴鳳響難續薄暮臨嘯臺高飛羨黃鵠

宿蘇門同輝令鄧爾復門生徐鎬

爲訪覃懷績山游亦偶然驟涼風雨至澗別友朋聯病腹
留三日清心聽百泉儒宗遺像在晤對慰餘年

憫農歎

兵氣蒙雨色陰慘西南隅我行懷衛間蒸熱如暑塗麥場
農告哀腹飢面焦枯旱草不飽牛典牛納官租誅求不爲

虐河北完善區側聞犒客勇歡聲雜湘徐大嚼時擊鮮添
竈行作厨力田苦不足從軍樂有餘

衛輝府治石抵詭

獸名見說文

章服曾蒙獬豸榮廿年圖報一身輕誰知抵詭流傳遠忠

直無名勝有名

汲縣志不辨何代物

陳觀察兆觀家傳重臺瑞桂圖自沈歸愚先生至道

光館閣諸公題詩已成四卷屬余繼作憶少時庭

前老桂始華中間一枝瓣大如金菊先君子誨以

學行崇本不爲異故愴然有及

熙朝景鑠天中日瑞籙貞符九埏出廣寒新樣表清溪媿
齋馨聞世求德我將七十記童年手摘一枝金朶鮮箕斗

虛名有何益玉堂傳詠羨前賢

友人論書畫

遠山品藻到張顛色正寒芒七字傳

蕭仲樞長史齋詩

歸去來辭

入吾手驚看神物閱千年

周隋氣習學元常武德符移頗擅長世重鍾書還示帖摩

挲膺鼎辨殷商

衛八家留子美詩書追魏晉不矜奇藏舟夜壑終難固爲

惜儀君善護持

儀墨農孝廉得杜甫詩翰其後人出售矣

妙畫無他在逼真虎頭癡絕自通神家雞野鷲何優劣若

個成名不重人

七夕柳園口渡河

月絃欲上水光多南北天中界一河河伯不知牛女事只愁風浪使臣過

朱觀察

光字

屬題歸養圖卷後

朱以墨經從戎自述不得已云

肯抱終天恨林居十數春近承蒼水使長夢白頭親望古全忠孝看君等鳳麟任加衰老日風木感同倫

子衡手示新詩次韻和荅

老子猶龍患有身莊生夢蝶永離塵放懷自在人間世識面誰爲世外人久滯中州疑習吏涼歸高樹輒思親非窮非達天何意知我憐才許見頻

八月廿七日督護薩河示汎弁程限

異漲喜新晴祥河險欲平土功圖小補天意息虛驚菊酒

重陽約楚防一氣成老懷今少慰時恐負蒼生

王同知仁福挽詞

黃河下三門秋防不可圉霍漑一合流驚濤萬飛弩王尊
走隄上魚爛視沙土飢勞五晝夜請命遭讒沮君貌故恂
恂臨危何呂鉅莊子一命而呂鉅注矯貌吞聲恨風隧銜憤訴水府民
重此身輕觀者涕如雨或謂投鴻毛誰知屹砥柱大溜忽
中遷眾力乃得舉隄完魂盍歸神龍來爲汝

九日行河作

登高乃率野就下往觀水洪流白露前殊險黑堦淚順隄
積潦奔槍埽隨波駛秋分雨始歇中河溜如矢集射百丈
灘塌存尋尺耳上南同急告稻塚日齊峙豪舉讌龍山閱

守身齋不河書卷之一
層愛粟里節序今猶昔情興誰取似不惟畏簡書將雪素
餐恥風塵何云勞萬方憂未已

楊橋謁劉文正公像

館人司夜說乾隆當日楊橋督大工賴有清嚴劉相國至
今廟祀北門東

入京水寨

門題保泰面東開夾路歡聲隱隱雷識得坡仙鬚盡白一
年三度赴工來

榮澤渡河

向曉河身白風帆掠北馳流平千里勢想落九天時槎泛
今無復圖呈昔有之畫前通象變利涉我奚疑

興役草間獲兔

搗藥標靈萬古存誰從月府詠爰爰人間三窟經營苦作
計安能底子孫

武陟道中

蓮池稽歲料行指木欒關秋樹鳴疏雨朝烟盪土山途長
營弁熟會散野人聞聽說淮沂境師勞未可班

發陽武人斗門

西風獵獵市聲低人避中衢馬不嘶愛玩朝曦光映處叢
麻浮綠襯黃葵

宿衛糧廳署

溜逼東園割北灘風催木葉晝生寒魚龍不夜秋違令學

佛安心至竟難

歸興

漠漠秋光雨點微
倦行遙望汴城歸
粟場人散鴉爭啄
荻浦帆過雁側飛
勞及肅霜休役可
思存平世惜身非
腰痛時患

林臯縱得優游日
忍聽中原有溺飢

張秩卿觀察請錄行河草

天上靈源遠
秋來變態多
文家賦江海
誰解論防河

戊辰人日觀王石谷全黃圖進呈副本

六十九年人回頭
事事新
率依長慶
觀聊寫樂天真
黃運安流日青徐
布澤春展圖餘萬里
中園幾河臣

喜雪簡子衡至山

凌汎得安過輕寒氣轉和春歸三見雪病起一當歌行館
逢迎少書厨涉獵多門賓知向朗無奈後時何

雜感二首

海岱爭馳報捷旗不虞橫寇犯京畿年來三省芻蕘盡
將士身強馬不肥

黃河北徙運河淤更值軍興耗國儲從此倉場籌策苦
南耀航海竟何如

子衡和雪詩有灰裏撥陰何之句奇逸未經人道乘
醉讚之

戲從灰裏撥陰何如此圍鑪世豈多羨殺玉樓銀海句荆
公炫博費稷羅

荅子衡病起思家之作

保身如玉慰庭闈旅處平安卽當歸看破世間無病病君
家老子歎知希

夢中閱異文多不可解座客以持孟仰益句爲疑醒
後記所荅云

天工無範物難齊道在家常任取攜佛子未能忘一飯空
將綺語懺曹溪

程堯民和詩得性命宗旨復酬之

十二重樓厯到齊無須綠玉手中攜翩翩一鶴三霄下影
在前溪忽後溪

三月八日赴濟甯發傳

出門從不載行厨白飯青蔬飽有餘何事殷勤重設席張
羅海菜野塘魚

宿蘭儀爲姚令述舊

壬辰遊記此通津城與隄平草不春三十七年河屢徙崇
墉喜見再來人

曹上汎

桃花未放水流平官柳隄根息訟爭寒食清明春汎到沿
河村落望行旌

嘉祥城南孔子聞絃歌處

山標南武武爲城想得弦歌止殺聲往歲河防金鼓急東
人指望李西平

十五月初至濟甯院署自咸豐三年歷六任皆駐豫
防河八年僧王督師剿賊駐濟甯以曠署爲礮局
堂室頽壞久矣同治六年春余捐貲修葺頓還舊
觀卽事成詠書示屬僚

山川舒鬱待良才衰朽何當出草萊
初日旌旗陳兩部多年樹木似西臺
職思工所居無定遠計糧艘望不來
挽洗樓高烟景集乘時率作詠康哉

南糧停運河道遂淤

軍機處交吏部咨報生日

豫藩生日隱年年僚屬相忘省賀賤
忽聽樞垣傳問語始知孤月待秋圓

河南官吏以余不作生日爲怪故及之

楚邱道中

雲波東卷，無聲綠樹迷離白。地平鳥語相呼泥滑滑。肩輿兀白水中行。

重過蘭儀

吾山泛鬻漢時災，直走東溟地轉雷。擬築金隄歸故道，何時得見濟川才。

一見能彰百世名，封人智識亦天生。馬遷空想青雲士，無那東周木鐸聲。

姚令以董相國庚申八月瑞草圖見贈

靈芝貌得我同年，出世何須問後先。不遇蘭儀賢令尹，富春名蹟等雲烟。

元瑞禮闈報罷詩以勗之

大雅流風戒速成朝華松栢見分明
儒門若數泥金帖席上珍多一紙輕

玩華登賞閱年多莫放春秋暇日過
青紫不緣經術取夏侯無奈後賢何

答友代簡

閱世紛難記平生感切磨野鷹呼不到
軒鶴竟如何未遂彈冠願應勞伐木歌
圭璋精理在雅貺益求多

守柔齋行河草卷之一終

守柔齋行河草

高要蘇廷魁德輔著

姪元瑞
子元暉
全校

戊辰六月廿八日河決滎澤汎無工處

驅熱西風雨須臾快意多不虞昏白晝倏報溢黃河瓠子
時難測蘭陽事已過漢廷思汲鄭衰老竟如何

七月初聞山東以黃水滅賊報捷與河決同日卽事

杼感寄呈羅大司農

盛漲殲窮寇河神顯自今消長不測俗稱神河亂平推世運灾倣識

天心喜得中原靖憂從外患深利源無竭澤國計重捐金

賊平口號

東南兵燹十年餘神助天威頓掃除從此中原民氣復應

時急務勸農書

中秋懷京華遊舊

高寒無處著東坡
禁闔猶傳水調歌
誰惜楊橋今夜月
老兵同畫上南河

九日作

蕭蕭木葉下高邱
浩浩中河未絕流
天助故教奇相顯

奇相

水神見山海經

民勞難解老夫憂
非沈白馬薪須負
且卻黃花酒

罷籜澶魏往年疲
守禦今防淮泗亟
紆籌

漕督疏請南河防患

小雪日雪越日趁晴赴工

應候神難測衝寒興轉賒
長河收漫衍大地出清華
想涉

瓊瑤界情關百萬家
榮工期堵合樂歲厥明誇

土人傳黃水過處成

沃壤明年必豐

李中丞由軍營奉命臨工抵石家橋

秋空對明月宵征一鶚健臨淮振旅來整嚴隄上見握手
相慰勞公義率以勸河防事叢雜牛毛細難算執要廣詢
度卒徒許呈面赫赫武功成智勇可爲憲無煩絳老人指
揮藉通變溯昔中河決星使勞節傳經歲積薪綜費逾
千萬際茲軍儲乏無米空思飯截留楚北餉戴罪乃專擅
建議具摺計期水歸壑申做董官弁克勤有天鑿食苦齊貴賤
倏忽露爲霜因循雪集霰憑君一震威令行如督戰

行館集議呈李中丞

禹迹千年冀豫間黃河故道掩榛菅一經蕩折鴻溝界幾

闕修防廣武山當事從無矜獨智習勞將以濟多艱鬢須
白盡心同赤願與災黎起積瘕

胡侍郎請復黃河故道咨三省會議系以說帖

漢志河平逮永平功推王景汴渠成一渠千里通千乘除
却修防事不行

陝州軍報鑿水橋萬錦灘頭凍易消循走吾山歸海道北
流難使向南條

小寒遣興

兩壩分籌數月遲橫流迴溜漸成澌金隄無復東都蹟竹
絡空傳建始時

事見漢書

憂爲風多寒正厲事隨日益老何知

眼中豪俊高勲閱翻指滄溟說漏卮

或以軍報黃流滅賊比海患爲輕云

花園口行館紀畧十二韻

文命成功後，河防莫敢誇。
榮東懸赤幟，鄭上走黃沙。
料堞重重整，天棚處處斜。
分程稽部籍，申令習兵家。

奏准以軍法從事

輦負行相引，鞭呼立止譁。
奮興傳曉角，休息趁昏鴉。
谷應

風如鼓，冰交水不花。
調船方運石，飛檄更徵麻。

自蘭工停止庄戶不

活到幽遐數許，災祥定時虞。
節候差其咨紓，聖慮江海

迄無涯。

天道一首

天道有倚伏，禍福無常居。
星河注大瀛，百川挾之趨。
兗東洗兵馬，豫南沒田廬。
幸值京索閒，黔首免為魚。
淳粲萬斛

泥燒瘠成膏腴胥靡事版築知命常晏如

凍解

凍解冬之日晴和力易施不嫌程限迫祇恐告成遲河伯
如相對天工任自爲溢榮無再溢緬想錫壽時

臘月既望檄兩壩加工

止芟寒如割遷延作計非一年乘月滿七日待春歸廿三日立
春媿詠鴻遵渚勞思馬脫鞵敢辭筋力乏方寸係民依

己巳人日

生年七十逢人日歌聽勞人日未休東土河平西土樂不
煩獅象制洪流

丹麓以人日寫無量壽佛爲予七十壽修敬忘勞亦

河工韻事詩以酬之

無生何有壽因壽證無生乍悟虛空境如聞梵唄聲三幡
徒辯執一筆以神行摩詰前身是同遊憶上清

開歲赴工經邵子祠

行水無爭地來源直自天築防時復異濟運策難全久負

兼圻任方臻百里年

今年七十

乘車猶惕若露冕亦徒然中土

三陽奠和風一氣宣想從吟擊壤安樂起先賢

捐修祠宇
其後人

元夕合龍

披雪摩冰苦共禁九蓮燈照萬夫心魚龍罷戲梁園祝一
夜隄成比積金

歌擬宣防已巳春上元故事此番新振衣飛度東西壩有

个雲龍山上人

紹道自述前身

工畢巡隄欣然成詠

日照合龍標龍馴水不驕勞心經半載得手是元宵且喜
春耕近都忘夜作遙含青隄畔柳游騎指條條

黃大王初七日見胡家屯於是十五日合龍廿六日
始去廟至楊橋是日子回沐城吏民稱異

當時靈跡眾人疑掌握雷霆匿偃師願我兼句緣未了楊
橋重到事前知

古意一首示從事

紹統託椅桐泰機歎寒女世胄逮單門心期所識許過窮
年命促干請易言語奇璞不自貢素絲不求賈哲士貴藏

智願結幽貞侶嶽雲起中天黃鵠乘斯舉

開復職任題汴城行館

天助榮工幸告成三年攝職寸心驚
僦居民舍分公解借撥軍儲報水衡
馬得知途筋力減鴻仍遵渚羽毛輕
抗懷虞夏歌惟敘苗格兵銷水永清

榮工善後止兵民碑頌因寄家書

防河如治兵駐工方結營部署一以律鼓擊萬夫興戊辰
夏秋交霖潦溢於榮陽侯豈虐我三省同時驚仰天捨身
禱願我民胥生壤隄不奪溜湯湯緩南行天心動仁愛降
禍許從輕孟冬始修築改歲功告成奮跡冰雪間卒役感
肫誠惜我老筋力視我猶父兄託言水德王寇賊今盪平

宅土惠室家况及事春耕勞苦自爲謀隱爾媚上情寄語
南飛鶴傳茲弗鬱聲

早起憶鄉里游舊

海棠初放捲簾看氣襲重裘曉覺寒快趁日晴張畫軸飽
經風濕返河干羲之在世難求泰元亮歸田易得安江上
紅棉溪裏竹夜來春泛夢追歡

重至花園口鄭州王牧述輿誦

給資修寨時將告竣

暑雨行相慰成民更省工野霑三日足河引百川東平土
呼安集來年卜屢豐

河水漫處淤成沃壤

不期京水塞老福俾衰翁

黃沁廳示汎弁

西折青峯嶺滔滔廣武東關黃收遠赤策全功變出

海峽防秋非一險文報警心同

立秋日園詩拾闕壩工

夜聽涼風起心懸水壯時每驚三壩險所患眾兵知帖石
籌須速舉葵悔已遲土牛隄上臥安穩爾何知

上廟工新秋作

稅駕遵長薄蕭蕭坐晚涼微馨衰草白遠色大河黃勲業
如相待筋骸不再強往來南北熟所守異封疆

下北廳陳幼軒阻病酬其詩札

喜聽河平信兼傳病起詩涼風憑自衛古道重相期最恤
防秋役常存未雨思卽今斜壩建溜勢已南移

巡河還答梁四元桂渡臺書

世事浮雲不自今，蒼龜無復問升沈。每懷朝列間容跡，那得河防穩稱心。驥足宜騰山徑阻，鯨牙欲拔海波深。春明誰憶臺灣守，芥子園花昔共吟。

白露遺懷

是日初報安瀾

管領東河幾度春，宅平居險久忘身。封章有取黃門舊，治績無如白髮新。軍機處咨錄辛亥奏稿送方畧各館以抄高無存咨覆犬馬論年知報主，蛟龍安穴解憂民。青蒼菊葉光凝露，愛是涼風不起塵。

寄題白沙釣臺

昔聞白沙語，心在萬物上。今來河洛遊，手作橫流障。秋深好風月，江門鬱相望。夢落楚雲臺，停琴聽漁唱。

夢覺成詩

梁園夜半響颼颼起坐軒渠世在浮掩華幻思儲太祝采
芝空貌李營邱齋中有此圖中天明月無長駐萬古黃河不轉
流浪說還丹能續命人誰得見鳳麟洲

大風抵曹縣

東南日色互風高十里塵開始至曹萬元千搖方困睡如
聽八月廣陵濤

冉堦爲東河往來大道中有冉子祠三過未得拜謁

感賦四韻

朝食辭曹縣三庄計里過每庄十八里名家周代籍華胄孔門
科豈憚追攀遠其如愧歉多黃塵汚面目所事但巡河

道上懷古

陸運何如水運優高蕃擊破勇兼謀合肥圍解全公義儒
雅今無李愨侯

李典鉅野人

兗州刺史出農家艾艾真堪一鳳誇積粟富民操勝本須

從爵賞塞浮華

劉芟上言農者勝之本

林穎叔告養將歸集詩千首報書美之

一辭京兆各風塵

癸亥外放先後出都

蒿自荆河聽入秦時務自憑

金印大家聲誰識白華真古今願力成矛盾天地文章有

鳳麟歸老江湖私計得羨君歡致北堂親

河工春宴

獻歲水凌解經瀆有常德龍堂安羣靈禋禮感天錫上游
限戎馬下游濟糧食簿書亦消憂登牘無曠職嘉會薦春

酌麻承河伯力廣座熱洪鑪唐花弄殊色顧余老居長夜
行味休息有田胡不歸徒爲達人惜

河曲納涼

伏汎涼生白裕勝陰陰綠柳坐雲層長鳴乍息林投馬片
影旋過野獵鷹幸免杜微軍事責愧無袁敏水功能身當
粗使仔肩重內熱全消自飲冰

詠古二首

朝陽鳴鳳不時聞謀國先從奢儉分藏寶得留王少府官
厨無與趙將軍會知物力東南竭奚取家臣獻納殷丹展
受箴青海格賢良在遠有高文

王觀字偉臺
趙儼字伯然

驕子天生夏孽餘炎靈外患勢難除執詞每藉中行策搏

影徒陳主父書未見躡林成大會何憑築邸任高居引弓
冠帶如分制平準應無缺歲儲

題海粟齋集郭山長

鑑庚

重宴鹿鳴

淮南漢北古詩壇七字專工創體難天與松筠標晚節人
驚珠貝出清官長貧不惜溫資散應官滇蜀以廉惠得民絕妙能令
險韻安歌頌鹿鳴班玉筍榮褻飛下五雲端

次韻郭山長赴宴告歸

每倚孤松詠能傳五柳風詩心猶未老日氣正升東嘉宴
歡無匹周行示有終雖殊轅固顯差勝少陵窮

九日飲臬署西園醉後草書

九秋雲物眺西城數仞平臺結構精不比樓高能聚

宜野曠得延清行隄屢爽黃花約集澤時聞老雁聲若記

水衡今日酒

九日名登高水

狂呼草聖並肩生

請告不果接鄉書

思共桑榆樂愆期北雁來秋花虛採菊春酒罷吟梅官豈
藏身具人疑濟世才河清難得遇泉石賦悠哉

贈橘

橘頌無心憶天寒見汝來初逢陽月閏老惜後時才

生年七十

一始閏十月

亦有雕盤薦何如闔苑栽謫仙夸早達鵬賦莫須

題林穎叔華山游草

屈原賦遠游向平志五嶽嗟予老益孺息機興難作憶訪

孤山梅緬想林翁鶴高飛薄霄漢逸響和鸞鷲及茲笑鳧
鵝寒泉埃魚躍誦君雲臺詩逸情入冥漠

寄孔生廣陶秋闈下第以遊嶽告

越山春餞意纏綿情緒紛披日下賤一第艱於遊五嶽英
才何以慰衰年徒聞太璞完爲貴正許精鋼鍊益堅十萬
卷樓珍在席好憑家業嶺南傳

夏子鑾從事榮工感別有贈

子鑾食素知醫

性靜經方習資深術故精惜身常斂氣斷肉自聞聲草木
歸驅使魚龍息恠驚胥康寰海祝與汝話尊生

辛未上元後回院署寄家書

太白樓前酒味醑龍燈醉灑涕河春家園桃李循常謙想

得停杯憶遠人

卽事奉簡張漕督丁中丞

柏院臨清濟還來比故鄉
鰕魚供頓美芹菜作羹香
日做新屯戍風除舊戰場
尋幽參古佛拜象祝賢王
無使西來溜留難北上糧
和衷今適願連日迭稱觴

去濟適汴

春來庭樹綠淡月不遑居
自笑添詩本人知重簡書

披閱圖冊

引運泉逾百查泉列榦支
每逢河淺處防到雨多時

獨山寨早發

春風吹鉅野初日照行旌
草木皆新色西南第二程
挑河

憂阻運間俗喜銷兵此去章縫集田園感又生

行經獲麟處

卜洛先機豈避秦春秋慎始紀王春東遷若得聞鳴鳥西
狩何當見獲麟獨任斯文終古事同稱聖者異邦人天心
不絕周公夢八百周年命可新

乾河聽訟

迢遞蘭陽口風沙傍午天渴飢知處處興築望年年昔苦
南河溢今愁北地遷難令紅廟梁交讓柳隄田

寄柳式穀先生

老得陰符旨枯楊不損菱湖波傳子萬字識乖厓

跋傅青王詩集

摩天峯峻絕塵污，奮藻清幽景自殊。祇合朱衣尊道範，那堪紅葉艷霜須。擬山驚俗園名詭，二水投時筆氣麤。誰溯先生淵海富，每於淺瀨蘊明珠。

夢倭相國

獨立數晨星，俄瞻北斗沒。顧影惜殘年，胸懷何處豁。

七月接河南省信有感

時關沁河決口

青蠅點壁白何傷，古訓容容莫較量。但爲灾黎籌仰屋，忍饑無奈九迴腸。

行館書懷

涪翁謾說官爲業，我負高官值暮年。若代天工材未達，卽論家政老應傳。蕭間置酒招良友，點檢歸裝俟後賢。誰解

梁園留滯日一番防險百憂煎

十月朔日寒甚徹夜雨雪至曉微霽感物成篇簡知

音者和之

秋盡未經霜冬初倏見雪寒威驟難禦坐覺重裘劣登樓
一展眺五門幻瑤闕嘉樹鬱古青榮衰莽無別冥心洞元
化塵事去如瞥北望嶽崧高真靈閣巖穴雲臥希夷叟易
圖昔衍說手闢乾坤門剝復朗眉列碩果天不噴交泰羣
方悅陽德尙包荒馮河欲超越

答鄉邑友朋

星巖遊詠跡難并一涉車塵眾累生誰與孟家稱古制自
從魏國好新聲雪餘扶竹枝偏綠風定觀魚尾半蘋文史

足供娛老用何須鐘鼎識浮榮

夢題吹臺

異石資天成五色名花得地冠羣芳詩人遊跡禪徒重一
笑留題舊粉牆

大雪日雪簡喬河督寄都中同年

休官方退院觀化靜於僧水德明如許天心信有憑羣仙
懷嶽館雙鳳望觚稜邸舍消寒集梁園恨未能

十一月初三日去泇志別

釋負身輕得替時曹門回首故行遲寒雲似爲羣情結招
討營過帳路歧

距城四十餘里送者塞途

任城太白樓

時得請同籍

久離金闕老辭徵惜別仙蹤一再登漠漠青徐風判雪迢迢黃運水全冰往來東魯憐疲馬想象天台託大鵬萬古愁消無量酒不邀明月有誰能

濟甯州牧王幼石頻來話舊

東平聲蹟魯人思曾記查工汶上馳分水源流關運局戴村同訪白公祠

王牧親送熊子遺書更求筆記

維舟五日濟城隈探報三湖凍未開披讀孝昌經義集似從蟄戶聽春雷

酒樓東望指南池李杜聲光萬古垂
鑄愛腐儒今老矣了無高興賦新詩

除日醉吟

臘盡快宵興，遄歸事可憑。
青陽來五日，白霧解層冰。
況有兒孫侍，殊無案牘仍。
歲朝呼太白，揖我酒樓登。

題董香光尺牘黃小松家藏

黨持南北陋，前明翰墨猶。
餘憤切聲老，得歸休天幸。
足華亭烟水，有誰爭。

平淡天然率，意書谷園真。
賞到林居屏，門自墮無酬。
應更把萼鱸，習氣除。

守柔齋行河草卷之二

十三

守柔齋行河草卷之二終

後序

國家定鼎燕京轉粟東南漕與河常並重顧漕資夫河而河之患不止病漕故治河難治今日之河尤難自禹蹟既失河南徙以趨淮淮黃並漲則下流壅塞而隄易敗

國家常歲費金錢數百萬以備脩防之用板椿木石之具蘆稽竹束筰席麻縷之物夫役之數一有未豫則束手坐困故曰治河難咸豐二年粵西賊竄吳楚據江甯游兵四出破楊州而趨汴漕道梗塞朝議改由海運而三年河決蘭儀奪沙魏兩河故道破安山閘之三里舖併大清河以入海潰決之地舊鮮隄防歲際洊至則流亡立告而司農告匱僅令有司歲籌數十萬補苴罅漏而已坐視則勢

不能興工則費無出故曰治今日之河尤難同治六年吾師賡堂蘇公由豫藩擢攝是任其時江甯方克復而捻賊仍擾山東曹兗濟寧之交烽烟未息又遭泛濫兼之蘭口未塞患連三省直隸之長垣開州河南之封邱滑濬積淤所壓田園半空老弱殍於死亡丁壯罷於轉徙一時凋瘵之形困苦顛連之狀于役所及怒焉傷之其詩曰不惟畏簡書將雪素餐恥風塵何云勞萬方憂未已蓋實由衷之言而忘其力之不及也七年六月河流盛漲今相國李公實資以平賊而滎澤無工處一夕遂決

朝廷援例議公責以堵塞公乃截留楚北餉以濟工率屬振興厲以軍法號令一出從事率皆震奮八年元夕遂告

合龍前堵決所用至數百萬公僅用百三十萬而已

天子嘉之爰命卽真是時公年七十一矣逾年內召遂以病歸搜其行篋得詩若干首編爲二卷名曰行河紀其實也古者大臣行役目之所觸心之所感恒託之謳詠以寫其衷曲東山之詩曰制彼裳衣勿士行枚幸其行之可息也出車之詩曰王事多難不遑啟居豈不懷歸畏此簡書勉其行之方始也况夫河防宜理歷朝攸重漢元封二年塞河決築宣防於是有瓠子之歌宋興國中河復房村天子亦作歌以繼瓠子君咨臣傲若是其不可已也公所著守柔齋前後集均已問世而是編獨以行河名者蓋目之所觸心之所感其憂之也深故其謀之也切其謀之也

切故其說之也詳雖其間古蹟興懷友朋酌應不無流覽
觴詠之篇而驚心怵目意之固結恒在於此讀者讀其詩
而論其事當時愛國之誠憂民之隱鬱結纏綿尙可得於
筆墨之外而謂其詩僅詩人之詩已哉公集旣成何隸珊
侍郎爲之序序只論詩於是篇命名之意有未析者公以
後序命光廷遂不辭而書其後時光緒元年乙亥六月受
業李光廷謹序

恭祝

誥授光祿大夫廣堂河帥夫子大人八表開四壽序
天地之巨浸惟河海之防 國朝二百年間凡
屢變得天助而底定當籌防時必慎簡封疆世
臣任其事而吾師廣堂河帥以耆儒嘗
之寄爲中外所引重行止光明其壽世之效乎
方咸豐八年粵海夷氛之警也

顯廟詔

公在籍與羅少司農龍太常督團防軍興倉猝
籌餉練兵事甫集會夷輸款乃籌善後事先是
髮逆洪秀存攻陷江甯

顯廟詔公督師

船航海赴江南助勦 公奏辭以水師非習不

爲功乃舉吳陳兩提督自代 詔曰旣不

能督帶師船無庸前往仍會同督撫籌備紅單

船經費以資接濟 命勸富民助餉乃開

誠獎勸輸餉爲多歲壬戌爲 今上初元以

善後事竣奏九月得 旨來京十月 廷寄

催促 兩宮皇太后垂問者再癸亥入都

奉 命以監司赴豫甲子灌豫藩明年卽真

遂升任東河 公始以諫官籍階五品遇朔

廷大征役大號令必與開時試偕天下人

行大用矣至是由五品官再轉而至河帥知遇
隆隆世皆爲晚節榮不知公直諫在道光朝
著勞在咸豐朝

祖宗三朝培養留貽耆

德碩望海內想望丰采公卿薦剡如恐不及故

皇上特簡超擢亦惟恐後嗚呼盛矣卽河

時戊辰歲河決滎東汎公禱於天淚潄潄誓

以身殉決口雖陷而不奪溜人以爲神方事初

棘庫帑支絀適湖北轉餉二十餘萬道豫議截

留濟工豫撫持不可公遽以請奉俞旨而

大農工餉亦繼至大工旋合龍是役也出納委

之局員工役繩以軍法費省而程功速然微湖
北餉豫民幾殆總河凡六年歷勘三省河道所
至興頌尤異者王同知一事丁卯秋祥河廳大
堤將決署同知王仁福恐不免遺書述 公恩
遇投河以殉俄而大溜去堤水立如岸卒獲堵
完 公憫焉爲請卹請祀崇以封號榮工合龍
時河神出現凡二十餘日如山海經所紀奇相
者讀行河集情事奇警爲古今詩人所未有也
官豫藩時庫款久絀僧忠親王督兵勦捻匪徵
各路餉甚急惟於豫餉獨紓之嘗指稱

先皇帝直臣蘇方伯爲首幫辦軍務陳提督一
見願爲弟子帶隊過境毫無擾民涪川民築寨
禦寇縣令因其未先請督勇毀拆民恃衆抗拒
殺傷官兵令憤以叛聞大府許千兵往勦王臬
司主其議 公力爭請以名守令往諭卒獻罪
首數人民情帖然其執持如此初道光壬寅
公甫官御史值天變上疏請下詔罪已劾輔臣
有將順而無匡救凡數千言

硃批云朕

當刻意自修諸臣其盡心獻替直言無隱五日
內白氣全消由是直聲震天下及咸豐初元起

轉兵垣上謹始之疏奉

旨嘉納復劾某

公不應入贊樞廷

詔雖未許乃獎

公

端方故臺垣有前駱後蘇之譽駱謂花縣文忠公也其強直又如此公少聰敏端重甫就傅

贈光祿公命背寫小戎詩一字無訛年二

十二頌鄉薦座主爲蘄水陳秋舫修撰許以國士通籍後迭主景賢越華粵秀端溪書院講席授徒於新會白沙鄉及省城西郊法性寺誨人爲有用之學生平願學孟子養浩然之氣嚴義利之辨辭受出處皆卓卓不苟於經專治易著

學易知懼倭文端公嘗以是相勸勉在諫垣時
與旌德呂文節公福建陳頌南廣西朱伯韓並
以文章風節著粵撫某公欲以文字交嚴却之
未幾某公敗屢贓軍務洞中機宜功成皆不受
賞勞制府以庚申三月肇城解嚴實仗 公力
屬某令以數千金買宅於郡城邑人德 公者
人出一錢爲 公壽皆却之曾文正公貽書比
魯仲連云自成進士入翰林歷臺垣充禮闈同
考監試官各一未久兩以憂歸故在籍垂十餘
年甲寅佛山紅賊起將犯省城 公偕大吏登

鎮海樓督師停軍令馘耳之賞保全甚衆請撥
餉集駐防八旗餘丁添置鎗手薦今提督衛公
佐邦林觀察福盛分練兵勇賊平二將功爲多
旗兵亦與力也庚申堅守肇城高要紳士紀功
述德文傳西省凡在籍諸所建樹殆無異防河
防海焉者於是小子乃言曰 公之大其猶河
海乎夫河海天地之巨浸也 國家之大防也
公之於河海非夫人之河海也初厯臺省効
權要弭災氛猶龍門之一折百谷之初會也繼
主講席策著蔡謀帷幄猶星河之起伏天池之

隱見也而舉世仰之如蓬壺然如砥柱然使非
放乎河海烏足以見公之大乎惜乎猶未盡
公之用也而公以致事合禮得與吾黨時
復講習爲樂小子等洞溯淵源涵泳支派敬啟
傾滄溟之蠡勺捧崑崙之瑤觴爲公上壽使天
下之慙遺一老隱與盛世清晏比瑞云爾

賜進士出身中憲大夫前吏部稽勳司員外郎驗封
司掌印文選司幫掌印兼署司務廳掌印加八
級紀錄一次門下士李光廷頓首拜撰

同治癸酉中秋 蘇夫子生辰及門製屏

稱壽者百五十人燕飲三日省垣傳爲盛事其藻以家居道遠不與會丁丑春讀李恢垣序文詞皆徵實可證儒行固宜刻之以公同好又值夫子重游泮水時也光緒三年三月南海學教諭門下士陳其藻謹記